



**ՆԱՅԱՍԱՆԻ ՆԱԽԱԳԵՏՈՒԹՅԱՆ ՍԱՀՄԱՆԱԴՐԱԿԱՆ ԴԱՏԱՐԱՆԻ ԹԻՎ 1 ԴԱՏԱԿԱՆ ԿԱԶՄԻ  
Ո Ր Ո Շ Ո Ւ Մ Ը**

**ԱՆՆԱՏԱԿԱՆ ԴԻՄՈՒՄԻ ԸՆԴՈՒՆԵԼԻՈՒԹՅԱՆ ՆԱՐՅԻ ՎԵՐԱԲԵՐՅԱԼ**

Քաղ. Երևան

11 փետրվարի 2013թ.

Նայասարանի Նանրապետության սահմանադրական դատարանի  
թիվ 1 դատական կազմը

Նախագահությամբ՝ Ն. Նազարյանի  
Անդամակցությամբ՝ Վ. Նովհաննիսյանի  
Ա. Խաչատրյանի

Ուսումնասիրելով քաղ. Իննա Բաղդասարյանի դիմումով գործը  
քննության ընդունելու մասին հարցը,

**Պ Ա Ր Զ Ե Յ.**

Նամաձայն ՆՆ Սահմանադրության 101-րդ հոդվածի 1-ին մասի 6-րդ կետի՝ քաղ. Իննա Բաղդասարյանը դիմել է ՆՆ Սահմանադրական դատարան՝ խնդրելով.

«...ՆՆ քաղաքացիական դատավարության օրենսգրքի 213 հոդվածի 1-ին մասի 5-րդ կետն այն մասով, որ ինքնաքացարկի որոշումը ենթակա չէ բողոքարկման, ճանաչել ՆՆ Սահմանադրության 18, 19 հոդվածներին հակասող և անվավեր»:

1. Ըստ դիմումի շարադրանքի՝ դիմողը շուրջ 23 փարի աշխատել է ՆՆ առողջապահության նախարարության «Նանրապետական Նակարուբերկույրգային դիսպանսեր» ՓԲԸ-ում (ՆՆՏԴ), 24.12.2009թ. եւ 28.12.2009թ. ենթարկվել է կարգապահական պարասխանավարության եւ այնուհետ լուծվել է նրա հետ կնքված աշխատանքային պայմանագիրը: Աշխատանքում վերականգնվելու հայցով դիմել է Կոտայքի մարզի ընդհանուր իրավասության դատարան: ՆՆ վերաքննիչ քաղաքացիական դատարանի՝ 17.05.2011թ. եւ ՆՆ վճռաբեկ դատարանի՝ 07.07.2011թ. որոշումների համաձայն ՆՆ Կոտայքի մարզի ընդհանուր իրավասության

դադարանի՝ 08.12.2000թ. վճիռը բեկանվում է եւ գործն ուղարկվում է նոր քննության: Կոտայքի մարզի ընդհանուր իրավասության դադարանում դիմողի կողմից ներկայացվել են դատավորի ինքնաբացարկի միջնորդություններ, որոնցից մեկը՝ դադարանի 07.12.2011թ. որոշմամբ մերժվել է: Այդ որոշման դեմ ՆՏ վերաքննիչ քաղաքացիական դադարան ներկայացված բողոքը մերժվել է, իսկ ՆՏ վճռաբեկ դադարան ներկայացված բողոքը՝ վերադարձվել: Այնուհետեւ, այլ հիմքերով դարձյալ ներկայացվել է ՆՏ Կոտայքի մարզի ընդհանուր իրավասության դադարանի դատավորի ինքնաբացարկի միջնորդություն, որը բավարարվել է: Նույն դադարանի մեկ այլ դատավորին նույնպես ներկայացվել է ինքնաբացարկի միջնորդություն, որը մերժվել է: Այդ որոշման դեմ վերաքննիչ եւ վճռաբեկ բողոքները վերադարձվել են (համապատասխանաբար՝ 01.10.2012թ. եւ 31.10.2012թ.):

Դիմողը գրնում է, որ ՆՏ վերաքննիչ դադարանի՝ 01.10.2012թ. որոշման մեջ արտահայտված դիրքորոշումը, համաձայն որի՝ դադարանի կողմից ինքնաբացարկի միջնորդությունը մերժելու մասին որոշումը ենթակա չէ բողոքարկման, հակասում է ՆՏ Սահմանադրության 18-րդ եւ 19-րդ հոդվածներին:

**2.** Ելնելով դիմումի եւ կից ներկայացված փաստաթղթերի ուսումնասիրությունից, ղեկավարվելով «Սահմանադրական դադարանի մասին» ՆՏ օրենքի 32-րդ եւ 69-րդ հոդվածների պահանջներով, դատական կազմը գրնում է, որ վերոհիշյալ դիմումով գործի քննությունը ենթակա է մերժման հետևյալ պարճառաբանությամբ:

Դիմողի կողմից վիճարկվող իրավադրույթը պետք է դիտարկել ոչ թե մեկուսացված, այլ ինքնաբացարկի ինստիտուտը կանոնակարգող իրավանորմերի հետ համակարգային փոխկապվածության համապետքստում, քանի որ դիմումատուի համար իրավական հետևանքներ առաջացել են ինքնաբացարկի միջնորդությունը մերժելու որոշման անմիջական բողոքարկման շրջանակներում: Այս առումով անհրաժեշտ է անդրադառնալ խնդրո առարկա հիմնախնդրի վերաբերյալ ՆՏ սահմանադրական դադարանի ՍԴՈ-918 որոշման մեջ արտահայտված իրավական դիրքորոշումներին: Այսպես, հիշյալ որոշման մեջ ՆՏ սահմանադրական դադարանը, անդրադառնալով ինքնաբացարկի ինստիտուտի սահմանադրաիրավական բովանդակությանը, արձանագրել է, որ միջազգային փորձի եւ տարբեր երկրների սահմանադրական արդարադատության պրակտիկայի վերլուծությունը վկայում է, որ ինքնաբացարկի որոշումը պարտադիր ենթակա է բողոքարկման, սակայն դրա կարգի եւ ժամկետների որոշումն օրենսդիր մարմնի հայեցողության հարցն է համարել: Այս համապետքստում ՆՏ սահմանադրական դադարանը փաստել է, որ օրենսդրական կարգավորման պրակտիկայում գերապատվությունը տրվում է ոչ թե ինքնաբացարկի միջնորդությունը

մերժելու մասին որոշման անմիջական բողոքարկմանը, որը լուրջ վրանգ կարող է ներկայացնել գործը ողջամիտ ժամկետում քննելու սկզբունքի իրացման հարցում, այլ, այսպես կոչված, «հեղաձուլված բողոքարկմանը», գործով կայացված որոշման բողոքարկման շրջանակներում դրա քննությանը, որը նույնպես ապահովում է դատարանի իրավագործության երաշխավորման հարցում կողմերի իրավունքների իրացումը:

Դիմումին կից ներկայացված դատական ակտերի ուսումնասիրությունը վկայում է, որ ընդհանուր իրավասության դատարանների կողմից իրացվել են նշյալ խնդրի վերաբերյալ ՏՏ սահմանադրական դատարանի իրավական դիրքորոշումները: Ներկայացված, սահմանադրական դատարանի դատական կազմը գտնում է, որ դիմողի կողմից վիճարկվող իրավադրույթն իր բովանդակությամբ **սահմանադրաիրավական վեճ չի առաջացնում**, ակնհայտ անհիմն է:

ՏՏ սահմանադրական դատարանն իր ՄԴՈ-839 որոշման մեջ դիրքորոշում է հայտնել առ այն, որ «Սահմանադրական դատարանի մասին» ՏՏ օրենքի 69 հոդվածի 4-րդ մասն ամրագրում է վիճարկվող դրույթի՝ Սահմանադրությանը հակասելու հիմնավորումներ ներկայացնելու՝ դիմողին ներկայացվող պահանջը, համաձայն որի՝ վիճարկվող օրենքի դրույթի հակասահմանադրականությունը **պետք է հիմնավորված լինի** «Սահմանադրական դատարանի մասին» ՏՏ օրենքի 68 հոդվածի 7-րդ մասում նշված որևէ հարկանիշով: Դիմումի ուսումնասիրությունը վկայում է, որ առկա չէ օրենքի 68-րդ հոդվածի 7-րդ մասով պայմանավորված խնդրո առարկա դրույթի ենթադրյալ հակասահմանադրականության հիմնավորում:

Սահմանադրական դատարանի դատական կազմը նաև արձանագրում է, որ կոնկրետ փոխյալ դեպքում դիմողի համար առաջացած անբարենպաստ հանգամանքներն ընդամենը նրա նկատմամբ կայացված համապատասխան դատական ակտերի արդյունք են, այսինքն՝ խնդրո առարկա դրույթների սահմանադրականությունը վիճարկելով՝ դիմողն ընդամենը բարձրացնում է դրանց կիրառման **իրավաչափության հարց**՝ փորձելով այն քննարկել խնդրո առարկա դրույթի հակասահմանադրականության վիճարկմամբ: Փաստորեն դիմողը, ձեռակառնորեն վիճարկելով օրենքի դրույթների սահմանադրականությունը, ըստ էության բարձրացնում է այդ դրույթների կիրառման իրավաչափության հարց:

Ղեկավարվելով ՏՏ սահմանադրական դատարանի՝ 2009 թվականի մարտի 17-ի ՄԴԱՈ-21 որոշման մեջ արտահայտված իրավական դիրքորոշմամբ, ըստ որի՝ բոլոր այն դեպքերում, երբ դիմողը, ձեռակառնորեն վիճարկելով օրենքի դրույթի սահմանադրականության հարցը, ըստ էության բարձրացնում է այդ դրույթի կիրառման իրավաչափության

հարց, ապա այդպիսի դիմումները ենթակա են մերժման՝ «Սահմանադրական դատարանի մասին» ՀՀ օրենքի 32 հոդվածի 1-ին կետի հիմքով՝ որպես սահմանադրական դատարանի քննության ենթակա հարց չառաջադրող դիմումներ:

Ելնելով վերոշարադրյալից և ղեկավարվելով «Սահմանադրական դատարանի մասին» ՀՀ օրենքի 31-րդ, 32-րդ և 69-րդ հոդվածների պահանջներով, սահմանադրական դատարանի դատական կազմը

### **Ո Ր Ո Շ Ե Ց .**

Քաղաքացի Իննա Բաղդասարյանի անհայրական դիմումով գործի քննության ընդունումը մերժել:

Նախագահող՝

Անդամներ՝



11 փետրվարի 2013թ.

ՍԴԴԿՈ/1-5